



Broj: 01/14-11-3190-6/26  
Sarajevo, 13.07.2026. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24) (u daljem tekstu: „Zakona“), člana 41. Statuta Grada Sarajeva ("Službene novine Kantona Sarajevo", broj 07/23), a na preporuku Komisije za javne nabavke roba, usluga i radova u Gradu Sarajevu, imenovana Rješenjem broj: 01/14-11-3190-5/26 od 26.05.2026. godine (u daljem tekstu „Komisija“) gradonačelnik Grada Sarajeva donosi

## ODLUKU

o izboru najpovoljnijeg ponuđača putem Otvorenog postupka

### I

Prihvata se ponuda ponuđača **DŽEKOS d.o.o. Sarajevo**, Ul. Ismeta Alajbegovića Šerbe br. 16, 71000 Sarajevo, u postupku javne nabavke radova: **"Izvođenje završnih radova na rekonstrukciji vrtića Kolibri"**, provedenog putem Otvorenog postupka sa prihvaćenom cijenom u iznosu od **854.674,30 KM bez PDV-a, odnosno 999.968,93 KM sa uračunatim PDV-om.**

### II

Sa ponuđačem **DŽEKOS d.o.o. Sarajevo** zaključit će se Ugovor o nabavci radova iz tačke I ove Odluke.

### III

Sastavni dio ove Odluke čini Zapisnik o pregledu i ocjeni ponuda od 08.07.2026. godine.

### IV

Ova Odluka stupa na snagu danom donošenja.

### V

Ova Odluka će se objaviti na službenoj web stranici Ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.





## Obrazloženje

Odlukom o pokretanju postupka javne nabavke putem otvorenog postupka za dostavljanje ponuda, broj: 01/14-11-3190-4/26 od 22.05.2026. godine, pokrenut je postupak javne nabavke radova: „Izvođenje završnih radova na rekonstrukciji vrtića Kolibri“, za koji je Obavještenje o nabavci broj: 1278-1-3-67-3-49/26 objavljeno dana 03.06.2026. godine, te Ispravka Obavještenja broj: 1278-1-3-67-8-68/26 objavljena dana 23.06.2026. godine na portalu Agencije za javne nabavke. U predviđenom roku za dostavljanje ponuda na protokol Ugovornog organa zaprimljene su tri (3) ponude, i to ponuđača kako slijedi:

1. **ITC Zenica d.o.o.**, sa sjedištem u ulici Bulevar kralja Tvrtka I, br. 11, 72000 Zenica,
2. **DŽEKOS d.o.o. Sarajevo**, sa sjedištem u ulici Ismeta Alajbegovića Šerbe, br. 16, 71000 Sarajevo i
3. **KEPLER d.o.o.**, sa sjedištem u ulici Spasovdanska br. 25, 71123 Istočno Sarajevo.

Postupajući u skladu sa članom 63. Zakona, Komisija je u zakazano vrijeme pristupila javnom otvaranju ponuda, prilikom čega su ustanovljene cijene pristiglih ponuda i to kako slijedi:

| RB | Broj protokola | Ponuđač                                                                        | Datum i sat prijema  | Ukupna cijena ponude bez PDV-a | Ponuđeni popust | Ukupna cijena ponude sa popustom bez PDV-a |
|----|----------------|--------------------------------------------------------------------------------|----------------------|--------------------------------|-----------------|--------------------------------------------|
| 1. | 14-11-4357/26  | ITC Zenica d.o.o.<br>Bulevar kralja Tvrtka I br. 11<br>72000 Zenica            | 08.07.2026. u 9:40h  | 1.148.917,89 KM                | -               | 1.148.917,89 KM                            |
| 2. | 14-11-4359/26  | DŽEKOS d.o.o.<br>Sarajevo<br>Ismeta Alajbegovića Šerbe br.16<br>71000 Sarajevo | 08.07.2026. u 10:20h | 854.674,30 KM                  | -               | 854.674,30 KM                              |
| 3. | 14-11-4363/26  | KEPLER d.o.o.<br>Spasovdanska 25<br>71123 I. Sarajevo                          | 08.07.2026. u 11:25h | 854.585,37 KM                  | -               | 854.585,37 KM                              |



Komisija za javne nabavke je prilikom ocjene i evaluacije ponuda konstatovala sljedeće:

**1. Naziv ponuđača: ITC Zenica d.o.o.**

Analizom dostavljene ponude ponuđača ITC Zenica d.o.o. Komisija je utvrdila da je ponuđač ITC Zenica d.o.o. dostavio cijenu ponude koja iznosi 1.148.917,89 bez PDV-a, dok procijenjena vrijednost predmetne nabavke iznosi 854.700, 00 KM bez PDV-a.

Članom 2. stav (1) tačkom 1) alineja 2) ZJN BiH, propisano je da je ponuda neprihvatljiva - čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Obzirom da je cijena dostavljene ponude ponuđača ITC d.o.o. Zenica, veća od procijenjene vrijednosti predmetne nabavke, ista je neprihvatljiva za ugovorni organ i neće se uzeti u dalje razmatranje i rangiranje.

**2. Naziv ponuđača: KEPLER d.o.o.**

Komisija je izvršila pregled dokumentacije dostavljene radi dokazivanja tehničke i profesionalne sposobnosti ponuđača u skladu sa tačkama 7.3.1., 7.3.2. i 7.3.3. tenderske dokumentacije.

Za predloženog voditelja građenja ponuđač je dostavio diplomu iz koje je utvrđeno da je imenovani stekao stručno zvanje Bachelor građevinarstva – inženjer građevinarstva dana 14.07.2021. godine, uvjerenje o položenom stručnom ispitu od 28.05.2025. godine i potvrdu o radnom iskustvu na poslovima izvođenja građevinskih i zanatskih radova. Tačkom 7.3.1. b) tenderske dokumentacije propisano je da inženjer građevinarstva mora imati najmanje 5 godina radnog iskustva na poslovima građenja i položen stručni ispit, dok je tačkom 7.3.2. b) propisano da se navedeni uslov dokazuje dostavljanjem potvrde o radnom iskustvu nakon sticanja diplome.

Komisija je utvrdila da je diploma stečena 14.07.2021. godine, te da na dan otvaranja ponuda (08.07.2026. godine) nije proteklo najmanje 5 godina radnog iskustva nakon sticanja diplome, zbog čega ponuđač nije dokazao ispunjavanje uslova iz tačke 7.3.1. b) tenderske dokumentacije.

S obzirom na navedeno, Komisija je utvrdila da ponuđač nije dokazao ispunjavanje uslova tehničke i profesionalne sposobnosti propisanih tenderskom dokumentacijom, zbog čega se isključuje iz daljnjeg postupka ocjene ponuda.

**3. Naziv ponuđača: DŽEKOS d.o.o. Sarajevo**

Nakon detaljnog pregleda i ocjene ponude u predmetnom postupku javne nabavke, Komisija je utvrdila da je ponuda ponuđača DŽEKOS d.o.o. Sarajevo prihvatljiva, jer ispunjava sve uslove propisane tenderskom dokumentacijom.



Kao kriterij za dodjelu ugovora, u skladu sa članom 64. stav (1) tačka b) Zakona, ugovorni organ je odredio najnižu cijenu i tenderskom dokumentacijom predvidio provođenje e-aukcije. S obzirom na činjenicu da je zaprimljena samo jedna (1) prihvatljiva ponuda, e-aukcija nije zakazana, shodno članu 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23).

Nakon provedenih svih radnji u predmetnom postupku javne nabavke, Komisija je sačinila Zapisnik o pregledu i ocjeni ponuda od 08.07.2026. godine, sa preporukom za prihvatanje ponude ponuđača **DŽEKOS d.o.o. Sarajevo**, sa sjedištem u Ul. Ismeta Alajbegovića Šerbe br. 16, 71000 Sarajevo, u postupku javne nabavke radova „Izvođenje završnih radova na rekonstrukciji vrtića Kolibri“, sa ukupnom cijenom u iznosu od 854.674,30 KM bez PDV-a, odnosno 999.968,93 KM sa uračunatim PDV-om.

*Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu ostalu dokumentaciju propisanu tenderskom dokumentacijom.*

Cijeneći naprijed navedeno, prihvatajući preporuku Komisije za javne nabavke, gradonačelnik Grada Sarajeva odlučuje kao u dispozitivu.

**Pouka o pravnom lijeku:** Ponuđači koji su učestvovali u postupku javne nabavke mogu radi zaštite svojih prava i pravnih interesa, u roku od 10 (deset) dana od prijema Odluke o izboru najpovoljnijeg ponuđača, izjaviti žalbu Uredu za razmatranje žalbi putem ugovornog organa, u dovoljnom broju primjeraka.

**GRADONAČELNIK**  
Samir Avdić s.r.

Dostaviti:

- Ponuđačima x3,
- U spis.